

陝西葭縣縣志卷一

地

170.89

42

21-3



民國廿二年

陝西葭縣縣志

王禔題

葭縣志序

中國何以治曰中國之縣治則國治矣縣何以治曰一縣之農村治則縣治矣是以修縣志者必於一縣之禮教風俗土宜壹是加詳所以促村治之改進也民國法制尤重自治識者謂自治以縣為單位縣治又必以農村為單位其意蓋即在此葭縣志書成邑紳苗植庭張鏡川携榆付刊適濟南供職榆陽軍部相晤出志稿數帙囑為文以序檢閱一過深有所契不敢以謏陋辭溯是志重修於清光緒甲午州牧李仁山先生垂三十餘年中經張鏡川魏楚翹楚南昆仲及閔通安諸君賡續增脩延至民國十七年趙君九樞張君子實精心合作乃燦然成帙焉濟南於民國十四年由橫山來宰斯邑躬逢其

葭縣志

卷一序

榆東順齋石印

盛得參末議比次年調任府谷時蓋已畧具規模矣今隔數年九樞子實兩君復博採精研遂成一完美無瑕之偉作內容豐贍無俟贅言然濟南竊有進者慨自晚近歐風東漸國粹蕩然士商競尚奢侈農工相習遊惰甚者藉口自由平等事事力求解放視禮教如仇讐道德墮落風俗於以日漓縣之有志乘所以備一邑農村之觀感救弊補偏垂諸久遠未可為一時風尚所束縛細繹諸篇關於禮教敷陳特詳其殆具匡時勵俗之苦心乎顧所貴乎提倡道德在躬行不在空談正己化人相觀而善必其人德望夙孚足為一般農村民眾素所敬仰而矜式之者乃克有濟國為農村之所積而成有農村則城市亦賅之然則戒怠惰以導之勤祛奢汰以示之儉講信義息爭

訟以教之禮讓各城市農村負有鄉望之紳耆皆與有責焉果能以  
身作則默化潛移葭蘆一隅將可為全國之農村倡則是志之作正  
其鳴天耳濟南不敏願拭目以觀郅治之盛云

中華民國二十一年六月上旬

前署 葭縣 知事

河南鞏縣劉濟南序

陸軍第八十六師軍法處長

葭縣志

卷一序

榆林 東順齋石印

續脩葭縣志序

縣之有志猶國之有史也一代政治之興廢文化之優劣莫不載諸史冊而一縣之山川形勢風教禮俗以及建置沿革物產方言亦胥與志內紀之則縣志之與國史固並重而不可偏廢者也葭縣舊志自清光緒甲午州牧李仁山繼續重修迄今三十餘年時遷世異國體變更地方情形今昔異觀其間可記可志之事亦已多矣故民國丙辰知事李懷卿聘請魏楚翹張鏡川諸先生因修通志之使徵文攷獻續輯成帙其後知事史吉人柯秦屏兩公督同縣紳詳加釐訂前任陳公韻軒復請趙君九樞張君子實搜集舊志及前二次修訂之本刪繁補遺始克完成是志也先後修訂三次起丙辰迄己巳歷

葭縣志

卷一序

榆林東順齋石印

十四年之久費此極大經營不可謂非認真將事也然修訂雖成終未付梓庚午春余捧檄來葭見歷年凶荒凡百廢弛正思所以起衰救弊者邑紳咸以縣志付印為請並告其始末余聞之不禁慨然曰縣志經前數任暨諸君子旁求博採殫精竭力草創修飾既成帙而中止功虧一篑不亦大可惜耶然當此饑饉之餘財窮力盡籌茲數百元之印費亦大非易而又恐風雲時事瞬息變幻此機一失不惟諸公之心力空勞而地方最要之典籍又將散失無存古人云莫為之前雖美弗彰莫為之後雖善弗傳余當竭盡綿薄以樂觀厥成焉歲中華民國十九年歲次庚午七月上浣

葭縣縣長趙壽祺識

續修縣志序

慨自近世以來禮義衰道德亡人欲橫流不可遏止外患甚於宋末  
內憂埒於明亡上焉者力趨歐風置國粹於不顧下焉者聽邪說之  
橫行直奔汚流此誠可為痛哭者也壬申七月余來牧斯土縣中縉  
紳耆舊僉謂縣誌之有關風化也至要且重倡義復修苗公植庭魏  
公楚南張公鏡川張公子實皆為一時賢俊越五閱月博訪周咨編  
纂成帙將以付梓而請序於余余以半生戎馬未嘗學問憂患餘生  
避冀塵而來此亦聊代賣瓜種柳已耳愧無皇甫之才敢序太冲之  
賦弟辭不獲為書數語曰晉之乘楚之檇机魯之春秋漢之史記代  
代有史省縣有誌其實一也夫史所以記事也而誌亦所以記事也

葭縣志

序

榆東順齋石印

可者褒之其不可者貶之而忠孝節義之可泣可歌者均詳而記之  
使後之人知所景慕移風易俗端賴於斯豈不貴歟至山川河流土  
地物產之紀不過使人知覆載在茲從而愛護之耳余慨夫今世之  
道衰德微國亡之無日其挽救之方在使國人知忠孝仁愛信義和  
平之不可或廢也上倡之而下和之則忠孝節義之行不難復見於  
今於此知縣誌之不可不修不可不急於修其修誌之功於斯著矣  
尤願後此豪傑忠義之士輩出於葭山蘆水之間其誌更為不虛修  
矣是為序

葭縣縣長續心原識

續脩葭縣志序

嘗攷禹紀山川漢收圖籍歷代相因郡邑有志雖非國史可備方聞然斷代為書近聞蓋闕閱時既久存簡復稀不有續編局由徵信矧政體更新建設萬端不特封建專制諸作無當於用即典章文物政治風化等項亦應準則時宜斟酌損益俾察往可以知來信今即以廸後葭名邑也余以漢南末學來宰斯土覩城市之荒蕪覘民生之凋敝猥不自諒輒思所以振興之邑舊有志亦以歲久失修缺遺滋甚披覽之餘未嘗不喟然而嘆曰昔之雄鎮今何衰落至此哉語云前事不忘後事之師毋亦志乘不修昔賢之條教制度所以興利除弊化民成俗與夫鄉邦長老所以詔其子弟飭其田畝儀型當時以垂範於後世者無所資以考信後之人亦無所資以觀感奮起有以使然哉是則志之云者非徒以記往事載陳迹而已其有貢獻於革故更新創制進化者為值尤大續修之舉曷可緩已於是徵之史乘訪之鄉老撮要纂輯冀成完篇第以政務紛繁遽難卒業適值陝西通志局新訂目錄普令續修爰舉趙君九樞張君子實專任其事旁搜博採拾遺補缺酌古準今悉心擬撰書既成不飾詞以誇前代不增美以炫後人綱舉目張有條有序後之體國經野採風問俗者或將有取於斯

中華民國十八年二月

漢中陳瑄識於葭縣政府

葭縣續志序

夫志者何即記錄過去之事以垂示將來者也但越時既久凡地方上之河山形勝秩官宦績與夫文獻風化等類不無變更若不續加修輯其何以昭示來茲乎是以陳公自蒞任以來於簿書執掌之外即汲汲以修志為務又值通志局新訂目錄督促編修則志之續也豈容緩哉第念脩志必以士紳之見聞為依歸若山川古蹟物產風俗何者脫遺何者紕繆苟不從士紳中確徵其實率爾操觚則文雖佳語雖精未有不薄淮陽而取罪戾者也因舉九樞趙子子實張子博採遺文訪諸耆艾得名公先達騷人逸士之詩文記序編輯成篇遂使河山形勝秩官宦績與夫文獻風化等類無所脫遺無所紕繆

葭縣志

卷一序

二

榆林東順齋石印

而志為完書矣余以榆陽下士承審斯土讀其書如讀史之列傳春秋之左氏公羊穀梁不禁擊節稱賞曰陳公之有功於邑二子之有功於公固相與有成也因不揣謏陋勉紀巔末一以揚陳公之毅力任事一以表二子之精心結撰云是為序

中華民國十八年二月

日

葭縣承審員拓守謙識



續脩縣志序

縣志自光緒甲午李司馬仁山重修後迄今三十餘年其間滄桑變  
更歐風漸染政治改革不有續志以紀其實上之無以備輔軒之採  
訪下之難以為考鏡之資借居斯土者不可不急為纂次之以繼往  
而開來故鏡川張子礎翹魏子同起草創楚南魏子邁安閻子相繼  
增修旁蒐博採亦極大費時日與精力矣第其詞意冗繁法例凌亂  
恐未足以昭示來茲丁卯孟秋漢南陳公來宰吾邑百廢俱興即欲  
成就其書適值客軍駐境供支浩繁閭閻瘡痍未瘳無暇顧及越明  
年戊辰夏值陝西通志局新訂目錄督促修志適與陳公初願相符  
以公家學淵源知識宏博何難出其素所蘊蓄崇論偉議遠追龍門

葭縣志

卷一序

三

林榆東順齋石印

近法對山以著成一家言而猶必殷殷然延及菲封不肯以編纂自  
居者公之謙撝之心為之也余貧病交侵筆硯荒蕪以持蠹之見效  
續貂之舉詎能贊成鴻典雖然隸屬編氓誼實難辭仍以張子等草  
本為型模刪繁就簡補漏闕疑不敢以毀譽定取舍不敢以愛憎判  
是非恭以諸書質之衆史旁徵於稗官野乘閱三月而告歲視舊稿  
不無異同然同非苟同則異非好異猶隔年之百葉不能作今歲之  
憲書也茲因編輯成帙將付剞劂故畧叙梗概以備輔軒之採風官  
民之考鏡庶文獻不至廢墜地方有所觀感風化政治蒸蒸日上以  
無負陳公修志之本意焉是為序

時在中華民國十七年歲次

戊辰小陽月

甘肅候補直隸州州判趙思明九樞父識

續修葭縣志序

縣之有志猶國之有史其最要者如疆域之廣袤建設之沿革人事之遞遭政體之變遷皆所以昭示來茲而備後人考鏡者也史自馬遷史記一書體例大備後之修史者皆取法焉而修志者亦多仿效之以為纂言紀事之則如吾陝之武功志是已是史也而可通乎志矣吾華自民國肇造以來中央政府即以纂修清史為前提而於修志一舉尚付闕如則以戰事紛紜大局未定遂不暇議及焉迨至北伐成功南北統一中央政府對於纂修清史既積極進行復由行政院頒發條例促令各省纂修通志省政府因亦通令各縣編輯縣志以為通志取材之資而葭縣志遂於十七年春告成焉予之住所與

葭縣志

卷一序

四

榆東順齋石印

鼓接壤聞其殺青有日尤為關心爰急求其全稿而披閱之見其行文簡當記事精詳與古為新有條不紊洵足為修志之標準至其編纂則由縣長陳韻軒先生與同邑趙君九樞張君子實諸君子協力擔任悉心撰擬其續志所載則自民國紀元以來舉凡一切新政良法胥備載之並能於奉令後尅期成書為陝北各縣之先登尤足稱為才識兼優難能可貴矣抑更有進焉者茲當建設時期訓政伊始勵行自治實以縣為單位凡所設施罔不日新而月異所望有識之士於其進化之遲速成績之優劣隨時紀錄之以供續修之採擇則異日編輯成帙可為陝北邑乘開一新紀元是志也而又通乎史矣豈不懿歟

前清增生北京內務部地方自治模範講習所畢業  
第三屆省議會議員歷任膚施綏德定邊等縣縣長

郭維藩謹序

續修葭縣志姓氏

裁定

上海中國公學專門部法律本科畢業署理葭縣縣長陳瑄

撰次

甘肅試用直隸州州判宣統己酉科拔貢趙思明

陝西第一師範學校畢業曾充本縣教育局局長張德華

協輯

陝西師範學堂畢業曾充本縣高等小校校長張景灃

候銓直隸州州判光緒丁酉科拔貢魏超

陝西師範學堂畢業曾充本縣高小校校長魏越

葭縣志

卷一序

五

林榆東順齋石印

前清廩生曾充本縣實業學校校長閻寶賢

襄校

委署葭縣承審員拓守謙

葭縣公安局局長馬龍驤

卸任綏德縣知事苗天培

候銓銓訓導任履成

候選直隸州州判宣統己酉科拔貢劉建漢

北京中華大學預科畢業本縣教育局局長喬吉甫

前清廩生本縣財務局局長閻福昌

本縣農會會長任師顏

代理 葭縣 公安局 局長 張嗣祖

陝西省政府農村自治訓練班畢業本縣農村自治籌備處指導主任 張應泰

北京平民大學校畢業本縣高小校校長 王國英

教育 督學 員 張廷楨

葭縣 財政 局 局長 苗晉仁

葭縣 二課 課長 張廣華

陝西省立第一師範學校畢業建設局局長 李蔭棠

採訪

清貢生 葭縣 奉祀 官 高承誥

清 附生 劉維鰲

葭縣志

卷一序

六

榆林東順齋石印

清 附生 李相密

本縣 縣議會議 員 任暄

清 增生 呂文斌

清 廩生 鈔鴻業

清 增生 張世彥

清 附生 白玉魁

清 廩生 李韶華

榆林道地方自治畢業 閻寶信

繕寫

建設局書記任樂  
農村自治籌備處股員張廷棟

葭縣志

卷一序

七

榆林東順齋石印

續葭縣志

凡例

一舊志成於清嘉慶十四年鐵嶺高公西嵐編輯發刊實具創垂之美光緒二十年續修者為宜陽李牧仁山惟原書均失之簡略迄今滄桑變更閱時久遠政教風俗隨潮流為轉移其中應增刪者實多例如宗教門之耶穌天主今增錄之以符新章

一舊志多師前人規格分類叙次今依陝西通志局目錄畧事變通如封爵列於選舉志末以取事類相近

一名宦人物久而論定存者加以飾詞則近於諛非所以徵信也然如程公離葭已歷年所去思一碑失今不書誠恐淹没人善故所以登載者以表不忘已往一示勸勉將來

一舊志凡觸忌諱者文章雖佳不載今值言論自由時代如明柴希高上郝鄒守書及其他有關政教風俗者要當區別錄取以示不淹没人善云

一志內有仍沿前人底稿稍加修飾者有自出機杼從新編纂者惟地處邊荒聞見舛陋又乏參考書籍其有訂證未詳援引失當者願就正博雅君子

續修縣志目錄

卷一

天文志 星度

地理志 山川 地圖 歷代沿革表 疆域 附村鎮

建置志 衙署 坊市

職官志 文武 名宦

貢賦志 戶口 糧賦 雜稅 牙帖稅

屯運志 倉儲 轉運 蠲賑

徵權志 釐金 鹽稅 酒稅

學校志 書院 學額

設縣志

卷一目錄

九

榆東順齋石印

選舉志 科目 武科 學堂畢業 據吏

封爵志 附蔭生

交通志

鹽茶志

錢幣志

祀典志 文廟 關岳廟

宗教志 釋道教 天主教 耶穌教

祥異志

卷二

人物志 勇畧 孝子 節婦 人瑞 隱逸

古蹟志  
紀事志  
德音  
兵事  
風俗志  
習尚  
時令  
禮節  
方言  
藝文志  
物產志

葭縣志

卷一目錄

十

榆林東順齋石印



天文志  
星度

舊志星野氣候分為兩門星野僅列分野星名於北極高度偏度日出入時刻及節氣先後多缺而未備今依通志局義例改星野為星度併氣候入星度門賡續舊志分別補列由縣治測得北極出地三十八度七分距京師偏西六十度十二分節氣較京師先十六分太陽夏至出寅正二刻十一分入戌初一刻四分冬至出辰初一刻四分入申正二刻十一分縣治群山叢錯北近邊塞純為大陸性質霖雨稀少荒旱迭見常年春多疾風夏多驟雨秋末冬初朔風自沙漠來故氣候早寒焉

葭縣志

卷一天文

林榆東順齋石印

地理志


山川

葭縣群山糾紛棋布於全境其大幹分為三脈一北自神木入境沿黃河禿尾河而南若斷若續若高若下蜿蜒百餘里至禿尾河盡而止一西北自榆林入境沿葭蘆川岸東南行百數十里迤邐至於治城而落脈一胚胎於榆米分趨於西北西南境內者面積頗廣構成五女榆木烏龍倍甘荷葉螞蚱等川之分水嶺岡巒起伏綿延至沿河一帶而止大抵全境山脈起於西北迤至東南其形勢則西北卑小東南高峻直至黃河岸口漸成巉崖絕壁其他葭爾部婁起伏於全境內者均由此三脈分析而出焉

黃河在縣東境為晉陝之天然界限由神木入境吳堡出境計長二百二十里廣二百丈平均深度一丈二尺能載容萬斛之船舶兩山夾束水性湍急瞿塘灩澦之險不一而足凡小水匯入之處亂石堆積土人呼之為磧葭境二百餘里內著名大磧有五曰葭蘆磧在治城南曰死孩兒磧在譚家坪曰烏龍磧在峪口村曰馬鬃磧在峪口村南十里曰翻人皮磧在荷葉坪船舶經此輾轉曲折擺蕩以行少或不慎每致遇險故河水雖形深廣卒難行駛汽船惟沿河一帶土壤肥沃最宜棗梨居民種植因以為利惜無深濬大汊水產不蓄漁業未興耳

# 葭縣全圖

每方格計  
鳥道十里



區	縣	水	村	寺	鎮	治	凡 例
界	界	道		觀		城	



疆域

按縣境黃河東繞蘆水西流所轄疆域東西最狹處五十餘里南北最長處二百八十里面積一萬六千三百四十方里境內向分十三地方自清宣統二年改分五區以治城為城關區岔道鋪响石寺車兒會三地方為西北區界牌德勝廟開光三地方為北區古木神泉鋪烏龍鋪三地方為西南區浮圖峪媳甥峪倍甘三地方為南區東渡黃河抵山西臨縣治一百四十里西距米脂界五十里抵縣治一百一十里南距吳堡界一百一十里抵縣治一百七十里北距神木界一百七十里抵縣治二百六十里

葭縣志

卷一 疆域

三

榆林東順齋石印

西北距榆林界五十里抵縣治二百里

西南距綏德界九十里抵縣治一百九十里

東南距山西離石縣治二百三十里

西南距省城一千三百里

東北距京師一千六百里

葭縣全境向分十二地方詳載舊志然於各地方村鎮名稱全未登錄殊屬缺憾茲將各村名列入以備辦理村政者之參考

界牌地方 羅家灘 西豆峪 毛家坵 沙坡 郭家溝 李家

新庄 梁家集 東溝村 西溝村 申家李 新庄 强家溝

羅家塢 李治家 黃市塌 王春梁 賀盤家 長盛灣 牛家

圪塆 白家條 劉家坪 張家園 王家山 柳樹峁 全家溝

全家坵 坨坪上 萬戶峪 劉于家 新柴灣 蘭家會 張

家塢 牛家坪 雲家坪 焦家村 沙坪寺 張家坪 馬步塢

界牌村 殿則塢 高家川 黃谷地 黃谷地新庄 兔兒溝

劉樂則溝 馮家山 强武家峁 銀道塢 白家坪 梁家新

庄 梁家峁 郝家村 蘇家村 薛家會 張家溝 徐家坪

賀家坵 麻堰峯 羊系塢 簡草坪 大坵村 大坪村 李家

坪 雲家坵 白家梁 李家峁 崖碾峁 强家峁 武家灣

芝蔴塢 任家坪 應牛崖 蛾家塢 趙石梯 張家坵 榆林

灣 德勝廟地方 魏家石坪 高仁里峁 甜筐渠 寨則梁 陽溝

塌 大黃峁 賀家東溝 高家沙塌 李萬家梁 青楊溝 石

圪塆 高家坵 黃萬梁 喬家公 李家灘 石碾塌 楊平灣

楊柳溝 劉國忠 馬家灣 陽溝 漢樂則溝 任家山 石

家溝 劉家坪 坪草坡 坪草坪 却家坡 却家灣 舍窠灣

家溝 劉家坪 坪草坡 坪草坪 却家坡 却家灣 舍窠灣

家溝 劉家坪 坪草坡 坪草坪 却家坡 却家灣 舍窠灣

葭縣志

卷一疆域

四

榆林東順齋石印

大石頭溝 花石崖 劉家陽崖 何家陽崖 前何家溝 後  
何家陽崖 王家深溝 白家塌 碾兒峁 王家峁 胡家塌  
謝家南溝 火連峁塌 前後謝家 楊家新庄 蘇泥家 賀家  
溝 張家溝 碾圪塆 白草塆 寨捐 秧則塆 新寨則 陳  
家溝 劉家坪 任福家峁 郭家圪塆 龍尾峁 郭家河峁  
賀家大梁 白家大庄 馬家塌 馬家渠 雷家塆 劉家石坪  
牛家沙塆 牛家庄則 葫蘆旦 才兒梁劉沙峁 白家山  
趙家崖碾 張家崖碾 王連溝 張家山 楊道塆 代全峁  
蘇槐家 馬家溝 趙家溝 劉懷家 高念文 任念公老庄  
任念公新庄 王家坨 張國泥 賀信峁 賀家崖 陳河灣

葭縣志

卷一 疆域

五

榆林 東順齋石印

白家梁 永興川 水磨村 世世塌 馬家塆 王家塆 桃柳  
溝 柳巷 井溝峁 楊家崖 堡兒峁  
開光地方 瓦碾溝 壑則溝 白家坪黑龍灘 高家新庄 崖  
碾溝 牛園溝 胡家新庄 白家渠 石灰碾 花舍窠 十字  
塆 涼水井 虎頭峁 駝材峁 韓家坨 頁梁灣 黃家溝  
老牛嘴 才新梁 梢溝 魚合灣 棗樹塆 趙家坪村 田家  
寨 武家石坪 煙洞山 王家梁 曹家碾則 郭家碾則 前  
清草溝 楊家坪 四字川 馬家梁 沙堰則 常家庄 後清  
草溝 洞兒崖 王家崖 任家庄 劉家溝 要則澗 圪塆會  
盧家鋪 房家老庄 黑白溝 楊會塌 房家崖 石瓦寺

紅花渠 石溝兒 張文宣 石家塌 胡家圪塆 磁磁峁 安崖底 王家岔 前杜家溝 後杜家溝 王家南溝 王大家垵 劉家渠 沙舍窠 馮家塌 龐家碾則 白家南溝 車兒會地方 木瓜樹峁 高家寨 坨上段家溝 崖碾上 窰窠灣 開和峁 劉家崖碾 賀家寨 高家峁 水灣垵 陳家塢 高陳梁 山神圪塔 陳家泥溝 柳樹峁 水灣溝 前鄭家溝 後鄭家溝 斗范梁 陽垵上 劉家溝 何家坨 煖渠山 高家坨 朱家坨 劉賢家 李家坨 安魚梁 高家垵 高家圪凹 劉家坨 薛家園 廟峁上 楊家灣 白家鋪 白家后坨 白家下坨 鄭家坨 徐家碾頭 窰窠溝 高昌家

葭縣志

卷一 疆域

六

榆林 東順齋石印

昌家溝 草垛塆 王家坨 馬家溝 王元家 劉家渠 張起家溝 劉國具 闔家寺 寨溝 碾兒灣 賀家倉 袁家溝 黎兒灣 寨渠村 長溝村 徐家西垵 王國具 徐家峁 郝家坨 余家山 杜家圪塔 薛家溝 趙大林 雲家馬頭 徐家東溝 順意峁 土寨 老虎塆 後寨上 張家老庄 高家新庄 要邦村 郭家坪 涼水井 馬連塌 响石寺地方 折家垵 周家梁 廟兒梁 李洞家垵 園則河 白草園 闔家梁 打鷹圪塔 馬能峁 任家溝 郭家垵 桃樹峁 黑龍廟 老庄峁 苦菜圪塔 蘇黃界 喬家塢 沙坡坨 佛殿山 小峁 劉家峁 老庄塢 党家山 馬家岔



新庄 富家塌 崖碓坨 碓兒灣 王家寨 黑圪塔 煖水溝  
 程家要 潘家圪塔 余家山 尚家寨 塔兒山 王家坨  
 雙廟山 王家坪 沙圪塔 余地干 山神梁 瓜地溝 棗樹  
 梁 大圪塔 馬家新庄 近伯溝 張坨 高滿溝 馮家圪塔  
 趙家梁 李家坨 白成家 康家寨 張家坨  
 岔道舖地方 屈家庄 崔家坪 張家庄 崖坪上 前後呂岩  
 家村 呂岩南村 石峁上 蘆子峁 土溝村 腦坪圪塔 白  
 家塢 賀家梁 馬連峁 賀家峁 桑塢村 泥河溝 高家脊  
 黑梁溝 柳溝 高家塢 通秦寨 高家塢 郭家老庄 程  
 家坨 高家園 王家川 向陽灣 賀家坨 屈家坨 王家塢  
 馬家坪 魏家坪 羊道渠 高家園 洛家山 大會坪 小  
 會坪 潘家坪 吳家山 大岩岔 王大家溝 李家坨 張家  
 坪 玉家庄 小陽溝 大陽溝 崔家峁 羅家山 閻家新庄  
 閻家坨 閻家坪 包家山 暴家坨 瓦碓坡 小里旺 張  
 家坡 李后家 陳家塢 薛家塢 李家溝 大坨村 徐家溝  
 魏家坨 桑溝 西溝坪 沙灣 後曹家坨 前曹家坨 上  
 雲石峁 中雲石峁 下雲石峁 新柴灣  
 古木地方 王家峁 馮家塢 石券峯 杜家峁 十里家梁  
 強家坨 奶頭山 殷家坨 挖石塌 槐樹峁 石家坨 劉家  
 崖碓 趙家溝 史家溝 劉倉坨 梁家岔 小坨則 中圪塔

廟兒梁 刁和峁 舊谷地峁 張家山 槐樹灣 轆軸峁  
遼家園 高家山 莊家園 胡家峁 賀家園 賀家沙塢 寶  
兒梁 後楊家坪 李高家坪 陳家坪 柏泉則 王新庄 西  
峰梁 高崖梁 蔡家溝 斗圪塔 劉端山 蔡地峁 張藍家  
溝 大厦塢 奧則塢 王車坪 壕則溝 芝蔴架 程家溝  
高武溝 牛姓塢 喬家碾則 大梁上 尚家峁 貓兒巷 久  
兒坪 元峁村 陽路溝 磨家川 李家園 曹家石坪 米風  
塌 灶火溝 陳家山 楊家塢 神靈廟 熟地圪塔 呂家塢  
大柏樹峁 高邦近 木碓白 榆樹峁 曹家塢 三皇廟  
寒草溝 前楊家坪 劉家新庄 墩兒山 李閏家山 沙峁上

葭縣志

卷一 疆域

八

榆東順齋石印

劉家陽峁 劉全塌 十家塢 柏樹塢 劉世才溝 董家圪  
塋 高家圪塔 下村 王家塢 草塋塢 桃柳溝 紅地圪塔  
妹家山 靴帽圪塔 張家山 怕則圪塔 楊家碾則 楊家  
園則 後石坪  
神泉鋪地方 張家溝 張家堡則 高陽灣 卧虎灣 蘇家峁  
張家崖碾 白家渠 申家溝 孟家山 高家溝 武家峁  
蔡地兒 王連溝 王家灣 白草峁 劉家溝 張家石坪 高  
家園 大李家峁 白龍廟 崔家西山 黑龍灘 河川炭碾峁  
崔家河底 石碾坪 大西溝 小石板橋 西峯則 馬家塢  
強家峁 下峁 高起家峁 陳家塢 兒虎塢 中石家峁

朱家山	大石板橋	暴石家坵	石嘴峯	小李家坵	申家灣
大李家坵	史家灘	龍虎灣	呂家坪	李家溝	廣盛塌
姚家圪堵	蔚家山	張家塢	薊家溝	高圪塔	起家峁
元團峁溝	李柏亮溝	喬家圪塆	張家塢	碾寨峁	白家窖則
周家溝	姚家溝	張家圪堵	劉家峁	前梁峁	王家石埭
秦馬塢	大王廟溝	志兒山	老庄塢	賀河溝	石碾溝
天家山龔家坵	落古峁	尚家溝	新舍寨	劉家峁	玉家溝
韭菜溝	陳家圪台	郭家渠	史家溝	閻家峁	趙家坡
馮頭	馬家溝	留毛溝	王家塢	暖水溝	曹家庄
神泉鋪	李家坪	馮頭	閻家坪	高家溝	韓宏道
園則溝	高家	高家溝	韓宏道	園則溝	高家

葭縣志

卷一 疆域

九

榆林東順齋石印

圪塆 前賀家灣 後賀家溝 韓倉家溝 雷家老庄 郭家圪

塆 王成家 李家庄 高家埭 馬步塢 申家埭 猪蹄溝

烏龍鋪地方 李家山 秋頭峁 黃家圪塆 高家塢 葭州圪

塔 柴家老庄 双宜 高處塢 柴家埭 李家川 石板村

魚圪 王木匠溝 前後東垣 徐家塢 單樹梁 天池花澗

官庄 大圪塔 任家坪 新庄 閻家坪 張慶家山 馬家條

奧家渠 紅崖峁寨 劉家渠 高家寨 張文正 圪桃樹塢

杜家峁 柴家岔 徐家塢 杜家老庄 張家峁 梁家山

武家圪 韓家塢 坪塢 玉家溝 高家坪 牛家圪塆 劉家

渠雷家新庄 李家圪塔 董家坪 徐家坪 暴家庄 蘆家坪

劉百治 張家溝 任家山 紫圪堵坪 劉家石坪 穆家圪  
申家庄 烏龍鋪 古城山 白家峒 高井坪 新峇窠 郭  
家坪 孫家圪 呂家溝 塆頭

浮圖峪地方 木頭峪 小坪上 張家坪 新峇窠 曹家圪

杜家園 任家塢 張家圪塆 教家塢 前坪上 葉則坪 王

甯山 薛家坪 高高坪 雷家坪 喬家峒 于家山 羊園山

張家溝 大圪村 于家峒 合心圪塔 張家原寨則上 香

爐石 喬家寨 喬家棗坪 賀家塢 喬家南山 喬家老庄

喬家新庄 前賀家溝 後賀家溝 店頭鎮 艾河坪 犛牛溝

宋家山西山上 喬家圪塔 劉順家圪 前後思家溝 烏狼

葭縣志 卷一疆域 十 榆東順齋石印

峰 高家圪墩兒山 張仁家圪 長寧峒 張順家溝 鉄樓峒

柳家山 秦梁 沙梁 高家山 峪口 黑石岩 牛園溝

東山上 李家圪 元圪則 林家灣 梨山 羊通溝 井坪

棗樹条 高愛家溝 高家坪 張家圪 鉄樓溝 高李家溝

武家山 賀家坪 劉家溝 木瓜溝 白草圪塔 木廠灣 張

喜坪 南河底 譚家坪 桑間 十字圪 小郭家坪 王家渠

陳家圪 張家山 王家溝 趙家圪 桃同圪塔 塔山 任

家坪 岳家坡 馬家渠 李家寨 秦梁上 李温家 大頁嶺

峰 小頁嶺峯 獅則崖 馮家山

倍甘地方 倍甘村 高家圪塆 白家甲 孫家塆 長溝条

寨則灣 張家岩 高家溝 大全溝 劉家坵 富家塢 新場  
峁 胡家山 關甲 黑水坑 姚家塢 關溝 沙渠 葫蘆旦  
李家坪 馮家塢 陳家山 白家塢 後劉家山 三牛溝  
李家塢 馮家岔 張家坪 後王家坵 前王家坵 槐樹峁  
丁家坪 早坪村 荷葉川 棗林溝 高忠家坵 王寧家山  
赤牛坵 高義村 新庄 三盛溝 郭家溝 石碓上 南坵  
烏狼峰

螞蚱峪地方 荷葉坪 王家塌 張家塌 磧頭村 新碓村  
賀家塢頭 馬家坪 蘇坪 任家小庄 水井坪 南山上 王  
處山 喚山村 大劉坵 石坪上 各虎山 任家里 李家山

葭縣志

卷一 疆域

十一

榆林東順齋石印

牛草園圖 螞蚱鎮舖戶 螞蚱峪 李家坪 梨樹坵 曹家溝  
中庄 王墻溝 青瓜崖 馬蹄塔 北坵 李家梁 小舍  
郭家溝 新舍窠 道金条 峁上 和尚家塢 中嘴峁 梁家  
峁 八卦溝 馬連塌 元条則 王家塢 紅崖卜統 馮家山  
雷家山 老趙坵凹 劉家下塢 大神里 雷家溝 任家溝  
劉家塢 三牛溝 赤土坡 李家坵凹 康家塢 張家山  
大庄村 曹家小庄 洞則塌 李家灣 石峁頭 王家坪 東  
山上 李家坵台 康家港 温家灣 火石山 沙坪 蘇地溝  
趙家溝 官道峁 坵絡嘴 高家塢 草溝村 長塢村 邊  
家園 廟岔上 王家坪 李家坵塢 虎頭峁 神堂溝

建置志

城 池圖見舊志

嘉慶己巳以前詳載舊志厥後同治十二年知州汪炳煦補葺城身周圍一十二段計長五百一十二丈八尺埤堦堦口二百二十間城樓五座並補各處殘缺裂縫光緒十二年知州田運昌補脩東城十餘丈二十一年知州吳浚棠補修南關東城十餘丈二十八年知州陳澤霖補修南關東城三丈民國四年知州戴茂椿補修西門城樓及東門外邏城五年知州李瑞瑾補修南關西城根四丈縣治居高山之巔左帶黃河右襟蘆水東西南三面距山巔各里許河流環抱居高視下皆危崖壁立惟北面與北來之山脈相連無險可恃城外

葭縣志

卷一建置

十二

榆林東順齋石印

百餘步有小崗高與城齊其上舊置礮台一座為北門鎖鑰承平日久半形傾圮民國五年陝北土匪盜起全城戒嚴知事李瑞瑾以北顧堪憫商諸紳民籌款鳩工立興廢墜又復增修雉堞以為北城一帶屏蔽

縣政府

舊志所載甚簡畧今依現在形式繪圖詳說縣府為正碯三孔碯頂有樓知州馮汝鈞重建題名一覽故浩然樓遺址也院有東西廂房南為三堂為花庭其次為二堂即法庭又為東西廂房偏東有石碯二孔東房二間馬棚二間法庭南為大堂縣長陳瑄葺修為中山俱樂部院東房為財務局西房為兩課辦公室南為儀門偏東為公園

偏西即舊之吏目公署上下正房各三間西房三間儀門東下有正石礪三孔小房一間其南即新修之看守所所之東為衙神廟廟之北為大門東向

看守所所在縣政府頭門內就馬王廟遺址建坐北向南石礪五孔迤西四孔分民事刑事各男犯室迤東一孔隔牆另作一院為女犯室正東石礪三孔中為大門左為所官室右為所丁室圍牆高二丈餘院寬窗多光氣清亮而冬暖夏涼尤於衛生合宜民國十七年十二月經縣長陳瑄新建

學校

縣立兩級學校由舊學署溝通文昌宮以及書院之上半院改建自

鼓縣志

卷一建置

十三

林榆東順齋石印

習室二十楹正礪五孔南礪六孔西下院枕頭窰一孔小房兩楹教室四座在上校者緣明倫堂及文昌宮樂樓增修在下校者為書院之講堂改文昌宮之西廊為學生成績室大門移至文昌宮右坐南向北門外為遊戲場

縣立兩級女子學校在南關中山街路東大門一座面南正礪四孔內院向東教舍三楹大門右邊街窰二孔現作市民閱報室民國六年買民房改建

螞蚱峪高小學校地址在螞鎮南槐樹溝之口舊螞鎮之河神廟也內宿舍石窰一十四孔磚窰三孔小房二楹教室三處一就舊有樂樓一就戲殿一為新築之枕頭石窰操場在校之南面積一百方丈

民國六年苗君天培創修

店鎮高小學校位於本鎮上街舊興善寺禪堂宿舍石窰五孔教室  
兩處房舍六楹操場一百六十五方步民國二年建

烏鎮高小學校建於本鎮西頭內自習室大小石硯十一孔教室十  
二楹分為四所洋式大門一座其形勢之巍峩石工之精緻冠絕陝  
北民國八年由郭君維藩創修

萬戶峪高初兩級學校假娘娘廟地基教室六楹一係樂樓更造一  
為戲殿增修自習室新舊硯十一孔厨舍二孔儲藏室一孔民國十  
七年賀君德廣監修

集市

葭縣志

卷一建置

十四

榆林東順齋石印

從前市鎮列入舊志民國十四年距城二十里之峪口村新立集市  
除每逢三八鄉人集合交易外二月初五五月初八八月二十八九  
月十八二十二月二十三日均為會期



職官志

親民之官莫要於州縣而州縣者實風化所攸關政事所從出其職責綦為重要今自光緒二十一年以後歷任州縣一併列入稍具其行狀俾後來者觀志感奮以興廉正之心焉

知州

吳浚棠 四川人拔貢光緒二十年十一月署任

周維祺 河南人光緒二十二年正月署任

崔驥遠 湖北人光緒二十三年署任創辦府神葭百貨釐金當時雖為公家興利地方商賈已暗受影響

陳澤霖 字雨人直隸人進士光緒二十五年二月補授

李晉魁 字康侯山西榮河縣進士光緒二十八年署任前任解司免徵地丁銀六百餘兩公稟請購買京斗黑豆八百餘石存常平倉

葭縣志

卷一職官

十五

榆東順齋石印

俞恒齡 字月如江蘇丹徒縣人光緒二十九年八月署任倡辦學堂勸捐經費

方 啟 安徽人正任光緒三十一年九月初次到任三十四年八月二次委署

趙思誠 字心泉直隸滿城縣人光緒三十二年三月署任善政頗多紀名宦志

田樹枏 山東曹州府拔貢光緒三十二年九月署任

鐘毓靈 字玉濤四川永川縣舉人宣統二年三月署任

知事

馬祝輿 字子衡綏德縣歲貢生民國元年六月署任

馬登選 字瀛洲綏德縣廩生民國元年十月署任

徐 棟 字良臣浙江人民國二年七月代理

陳愈愚 字魯齋山陽縣人拔貢民國二年十一月署理

李濟源 字寅三 蒲城縣人 民國三年四月署任

石清泉 字壽亭 鄆縣人 民國三年八月署任

戴茂椿 字桐甫 安徽人 民國三年十二月署任

李瑞瑾 字懷卿 河南濟源縣人 民國四年八月署任

張毓林 字翰卿 平利縣人 選貢 民國六年一月署任

郭鵬 字博九 籍貫未詳 民國七年七月代理一月

李榮慶 字雲庵 河南葉縣人 宣統己酉選貢 民國七年八月

吳錫珍 字聘齋 直隸涿水人 拔貢 民國八年七月

崔銘新 字稚梅 江蘇銅山縣人 附貢 民國九年六月代理

張鑄 字鼎九 臨潼縣舉人 民國十年一月署任

葭縣志

卷一職官

十六

榆東順齋石印

朱維勤 字勵生 榆林縣人 法政大學畢業 民國十年九月代理

史秉貞 字吉人 華陰縣人 附生 民國十一年三月署任

余寶滋 字蘭賓 安康縣副榜 民國十二年四月

柯國藩 字秦屏 鎮安縣選貢 民國十三年三月署理

王肇灃 字季斌 膚施縣拔貢 民國十四年正月署任

劉濟南 字治堂 河南鞏縣人 分陝薦任 職 民國十四年六月署任

張廷棟 字良甫 富平縣人 中學畢業 民國十五年一月署任

康世義 字宜亭 山西高平縣人 法政學校畢業 民國十五年冬月署任

縣長

路德銘 以字行 大荔縣人 陸軍專門醫學校畢業 民國十六年五月署任

陳 瑄

字韻軒沔縣人上海中國公學專門部法律本科畢業民國十六年八月到任精明強幹聽斷勤慎行己治事不避勞怨淑建看守所平民公園時民感焉

學 正

古之於教官也或特舉於鄉或敦聘於國視之甚重降至有清教官一職以作廩貢等出身不甚注意而充是選者亦以首翁一盤別無非速途徑甚至有以納粟進者求所謂無曠厥職勸督諸生趨向於學什百中不獲一二無怪乎師道陵夷士習囂張學問之道日趨於卑下古意漸滅而不可復也雖然若曹先生者可謂錚錚佼佼不愧什百中之一二者耳

曹貽燕

字翼亭邵陽縣舉人兩復葭任光緒三十二年致仕歸性謙和博學教人誠懇明辨疑難士至今多想慕之

葭縣志

卷一職官

十七

榆林東順齋石印

馬祝康

字 綏德縣舉人

吳自新

字 白河縣拔貢

千 總

張騰越

湖南人

趙興邦

榆林人

楊先甲

榆林縣人

韓鍾翊

漢中人性蘊藉善丹青尤長於花卉翎毛

趙士林

榆林縣人

萬鴻業

甘肅皋蘭人

名 宦

汪炳煦

山東任城進士同治光緒間兩任葭縣先後十餘年仁恕廉明士民愛戴籌款以修城垣捐資以振文教尤其特著者葭人立去思碑以誌不忘

趙思誠

字心泉直隸滿城縣人廉正不阿為上峯所敬憚光緒三十二年三月抵任是年十月去官在葭數月惠政頗多其尤著者為兵糧一案初葭民歲輸榆粟一千八百餘石為備邊軍儲號曰兵糧以餉邊軍數百年來上下相安無事至是府尹劉思翥擅更舊制創行折征斗米當時二百餘錢定價加倍由是葭民群起反抗州牧方某庸懦畏葸不敢為左右袒鄉民劉仲臣等赴愬藩院藩司廉得其情頗不直劉之所為時公方宰吳邑奉檄調來葭下車伊始徧詢地方紳耆慨然曰余職雖微要亦朝廷命官終不能浚民脂以媚上台力請收回成命且通稟層憲言折征之下使劉府尹懼謹責飾詞罔上案遂翻收鄉民劉仲臣等數人繫獄上峯嚴

葭縣志

卷一職官

十八

榆林東順齋石印

札責公公殊不少動與邑紳高紫臣張蘊山等悉心籌畫思所以挽救之者益力高尤奔走呼號以茲事為己任劉府尹既偵知屢思中傷之又藉他案飛札提張蘊山以相脅迫而高張不顧也已而劉知公終不為所用乃黜公去葭之日男女夾道攀轅以千計多有泣下者方劉仲臣之被逮也人情恟恟以為禍且莫測邑紳閭鼎雲韓慎餘等星馳赴省為葭民訟冤詞凡數上俱遭駁斥頃囊售馬流離不能歸及公去葭民益無所倚有師範生苗植庭者邑之浮圖峪人也少負氣節慷慨有膽畧痛民之憔悴於虐政乃憤然投詞撫院歷陳官貪民困狀再駁再覆會尹失奧援亦解任去遂得理撫院檄府神葭釐委趙顯文就近確查趙汾陽人與葭有近鄰誼邑紳高張等因得備述人民冤苦趙具以聞案遂平反是役也經時三年歷官數任卒能出斯民於

水火者公之力也顧苗高諸君不憚履虎尾蹈危機為葭民請命  
其義亦有足多者因並誌之

葭縣志

卷一職官

十九

榆林 東順齋石印

貢賦志

戶口

按舊志葭縣原額人丁三門九則不等俱折下下人丁七千六百十三丁厥後逐漸加增洎民國十七年最近調查確切數目計戶二萬一千六百三十九人口一十一萬八千三百七十四內男六萬二千六百七十二女五萬五千七百零二視舊志所載戶口之加增不啻什百倍焉

糧賦

按舊志載全縣額征民正糧一千七百四十五石三斗八升四合屯正糧七十四石五斗三升七合一勺每年秋冬各花戶親赴榆林廣有倉完納本色米豆照依糧數各半勻交至民國元年就近改歸本

葭縣志

卷一貢賦

二十

榆林東順齋石印

縣征收四年奉令折征每市斗折銀二錢八分計民正糧折銀四千八百八十七兩七分五釐屯正糧折銀二百八兩七錢四釐每正銀一兩尋又折銀幣一元五角民糧折洋七千三百三十元六角一分二釐五毫屯糧折洋三百一十三元五分六釐民地丁正銀二千八百一十八兩三錢三分九釐屯地丁正銀二十七兩一錢一分二釐民地丁耗羨銀四百二十兩七錢五分七釐屯地丁耗羨銀四兩六分七釐隨地丁三八平餘銀一千二百四十三兩四錢六分二釐隨地丁三分火耗銀一百三十五兩四錢七分二釐照糧銀每兩以一五折算民地丁銀折洋四千二百二十七元五角八分五釐屯地丁銀折洋四十六元六角六分八釐民地丁耗羨銀折洋六百三十一元

一角二分四釐五毫七地丁耗羨銀折洋六元一角五分三八平餘銀折洋一千八百六十五元一角九分一釐火耗銀折洋二百零三元二角八分七毫八十八束二斤折洋一元三角二分三釐葭民謹身節用奉上急公一聞開征無不踴躍輸將以供國家間有逋賦多由天時不和水旱偏災所致從無豪宗強姓奸胥滑吏憑恃護符隱匿詭串頑抗不納之弊至改征折色後銀糧均就近征收益形便利且平餘火耗耗羨等項舊屬中飽者今亦化私為公涓滴皆歸國有惟民納過半即放包納戶墊完致距城稍遠者不獲自納反受包納戶數倍剝削殊覺可歎

雜稅

葭縣志

卷一貢賦

二十一

林榆東順齋石印

正賦之外又有牛馬稅比舊志所載加增不啻倍蓰民國五年同屠宰斗捐議定本城及四鎮招商包收鄉間交易照地方之大小鄉紳按排分攤款有所出民無閒言上下相安於無事詎地方秀民視四鄉雜稅為利藪欲仿城鎮辦法於八年冬不由本縣投票間接從省廳包回四鄉花戶不容大起衝突幸張知事不直包商所為設法排解始將四鄉雜稅定作永遠攤辦每年認攤洋二千三百零五元城鎮包額歷有增減本年包款二千一百六十元二角繼此包數難難預定然輾轉出入諒不至大有懸絕

牙稅

舊志載年征銀二兩五錢現地方領六等牙帖一張年納稅洋二十

元倉儲

本城南關舊設常平倉一處廩舍九間官修儲糧若干光緒二十五  
六兩荒年相繼賑訖後有賑餘之銀若干又奉令將二成錢糧並捐  
輸三項買存京斗黑豆九百石近因廩舍坍塌黑豆移儲關岳廟前  
窰木石改修學校地址尚在

義倉一十三處名目地址詳下所蓄谷黑豆不等均係豐年勸捐於  
地方殷實花戶每處存京斗糧百石之譜責成就近紳士經營官廳  
不過監察而已惟萬戶峪倉前知州俞恒齡補收捐輸銀買存京斗  
黑豆八百石以備饑饉自朱子創立社倉後由宋及今各處皆仿而  
行之苟經理得人隨年之豐歉以為斂散百姓無不蒙其利益望職  
斯事者廉慎檢校勿虛糜積谷庶不背於古人之良法焉

葭縣志

卷一貢賦

二十二

榆東順齋石印

本城

關岳廟

倉窰二孔

車兒會

觀井溝

倉窰二孔

開光

安崖底

倉窰二孔

响石寺

崖窰坵

倉窰二孔

古木

趙家溝

倉窰一孔

界牌

萬戶峪

倉窰一間

神泉堡

郭家圪塆村

倉窰二孔

烏龍堡

本鎮

倉窰三孔



公道舖

大會坪村

倉窰一孔

德勝廟

萬戶峪

倉窰一間

浮圖峪

店頭鎮

倉窰二孔

倍甘

均在黑水坑

倉窰二孔

蟄蛭峪

轉運

葭地東臨黃河本境所用油鹽瓷煤木料百貨等項皆賴黃河轉運而來設遇凶年寧夏河口之糧買來轉濟晉省陸路轉運多用驢馬近年漸有榆林駱駝運蒙鹽轉售山西者

蠲賑

葭縣志

卷一貢賦

二十三

榆林東順齋石印

宋太宗太平興國七年十二月詔赦銀州常赦所不原者真宗咸平元年三月諭綏銀流民還鄉家給米一斛

金宣宗元光元年二月詔除延宥廊邠丹葭綏德租稅仍令有司償其給軍粟直

明英宗正統四年令沿邊空閒之處許官軍下戶人丁儘力耕種免納子粒

清德宗光緒二十六年十月十四日發賑葭民銀四千七百兩二十九年又豁免葭民欠糧二百九十四石一斗六升一勺

袁大總統民國二年發賑郵電災銀洋三百元四年又免田賦附加洋二成

徵權志

釐金光緒二十三年知州崔驥遠擬辦府神葭百貨釐金總局設萬戶峪沿河大會坪桃花渡木頭峪蝎蝎峪設分卡四處民國三年總局析而為二一移府谷縣一移木頭峪其先年約收款萬餘元今則加增什百倍馬用人行政皆官廳作主地方商賈只照貨納款而已

鹽稅葭縣素無富商大賈經營鹽務間有一二無非騾馬駝載零星負販故官廳僅於通秦寨及黃河各渡口設分卡數處由榆林總局派人驗票緝私以防偷漏而已

酒稅縣屬地方北區西北區一帶產酒頗多其餘如西南區之烏龍

葭縣志

卷一貢賦

二十四

榆林東順齋石印

舖李家寨南區之賀家溝雖有燒房所出無幾每年冬初釀起至次年三月即止尚不敷本地之用向來無稅縣署年只收規費錢百十竿迄於民國省設總局各縣分設支棧名曰公賣按燒房之大小以抽收稅捐縣屬各處燒鍋年約納稅捐一千餘元公賣者由公家出售不得私自販賣之意以酒為消耗品特加重稅寓禁於征初自歐西諸國用意未嘗不善然吏坐市列肆與民爭利何異漢平準法云

學校志

學校 清時學制歲科併試定額二十四名外增撥府學八名廩膳生三十名月糧銀九十六兩遇閏加銀八兩增廣生二十名間歲以廩生循次應貢是為歲科貢歲科貢生外每逢百年又有選貢一名學田四百零三畝歲收租銀八兩書院向聘山長一人院中肄業生數十人每月課試二次定為超特一三等超特等均有獎賞以次而降一等無之籌有經費二十餘緡儲商生息以為諸生膏火之資前清光緒三十二年改變新法停止歲科考試取消廩膳生遂依學署舊址新建高等小學校經費以舊存書院膏火與新籌捐款歲入約五百餘金作為常年的款鄉間私塾名曰初等

葭縣志

卷一學校

二十五

榆東順齋石印

小學堂又有所謂蒙養學堂者學額無定卒業名曰畢業高初各以四年為學期畢業後發給文憑名畢業生民國元年學堂改為學校高等以三年畢業初等延長一年作為四年十三年又改高初等為高初級畢業年限初級四年高級二年名為四二制至實地強迫教育逐漸普及城鄉初級小學校已臻至八十四處螞蚱峪烏龍鋪店頭鎮萬戶峪又陸續添設高級小學校四處其外本城南關又有女子小學校一處女校當萌芽時代固難與男校並觀深願操教育之責者設法提攜急起直追以步男校之後塵庶男女平等人材層出不窮

選舉志 自光緒二十年以前詳舊志

拔貢

魏超 光緒丁酉科曾充藍田鳳翔等處高等小學校教員陝北雜誌社主筆

劉建漢 宣統己酉加額寬取曾充本縣高等小學校及實業學校教員

趙思明 宣統己酉加額寬取簽分甘肅試用直州判曾充隴東觀察使署科員署理硝河城警察事務分所所長狄道縣管獄員代理狄道縣知事

貢生

劉忠

中誥

馬國良

曹士謙

苗重華

洛川縣訓導

高錫三

苗滋榮

張景嵩

杜廷榮

省議會議員

喬國幹

張應辰

李長枚

高樹本 候銓訓導

張殿元

屈汝恒

杜培滋

葭縣志

卷一 選舉

二十六

榆東順齋石印

苗晉臣

山西試用經歷

曹佩趙

劉叶堯 候銓訓導 劉廷選

任履成 候銓訓導

高長烈 候銓訓導

喬雅昌

廩貢

張佩鈞 由咸寧縣訓導推陞耀州學正

任家振 鳳翔縣訓導

張炳辰

由醴泉縣教諭推陞鳳翔府教授民國元年署理紫陽縣毛壩關縣丞

張宗善 興平縣教諭民國元年署理吳堡縣知事曾充省長公署科員

苗晉賢 咸陽縣訓導

例貢

曹振東 字伯藩品學俱優獨長於岐黃之術著有伯藩新詩未就而卒

高承誥 候銓訓導曾任本縣奉祀官

劉漢元

閻鼎吉

高如嶽

雷蔚華

王賜元

張希賢

高如嵩

畢業生

杜寶棻 國立北京法政大學畢業 李鴻緒 國立北京師大畢業

王國英 北京平大畢業 劉浩 前清巡檢陝西法政專門學校畢業

李鴻訓 北京中華大學校別科畢業曾充本縣警佐

李鴻綱 北京中華大學校預科畢業曾充蠓鎮學校校長

喬吉甫 北京中華大學校預科畢業現充本縣教育局局長

張振華 陝西法政專門學校畢業曾充陝西第一監獄一科科长

葭縣志

卷一 選舉

二十七

榆林東順齋石印

任家齊 陝西師範學堂優級選科畢業獎勵舉人曾充榆林中學校教員

李益齡 陝西師範學堂畢業曾充本縣高等小學校教員女校校長

魏越 陝西師範學堂畢業曾充本縣第二科科长榆林鎮川堡高等小學校教員蠓鎮高等小學校校長

任靜 陝西師範學堂畢業曾充縣高等小學校校長

苗天培 陝西師範學堂畢業曾充本縣學務局局長署定邊綏德等縣知事

張應午 陝西高等巡警學堂畢業曾充省城南關區官及本縣警察事務所所長

張德華 陝西第一師範學校畢業曾充本縣教育局局長

李森樹 陝西第一師範學校畢業曾充本縣高等小學校教員

任家裕 山西第一師範學校畢業現充高級小學校校長

牛營清

劉國樑

李大榮

高在位

屈自超

張慕祺

高錫職

高光祖

高能孝

王好智

張禮庭

現充高級小學教員

以上十一人係陝西省立第四師範學校畢業

王廷傑

王廷臣

杜振甲

高錫爵

喬天保

王永寬

杜寶陰

陳德仁

喬天晉

張聰

郭運昌

閻奎耀

魏纘武

高冠儕

張耀文

高思敬

王讓

李芝川

張耀武

苗慶澂

苗慶亨

李維祺

任國昌

張書田

葭縣志

卷一 選舉

二十八

榆林東順齋石印

張書春

劉九思

張國華

白慶雲

張志富

張振紀

曹玉衡

王鎮華

張文海

張佩釗

高增慶

魏幼武

劉得張

閻庭耀

以上三十八人係陝北聯合縣立榆林中學校畢業

任懷琳

建設局局員

劉繼寬

省立職業中學校教員

高冠章

以上三人係山西農業專門畢業

張承英

陝西農業學校畢業

苗從業

山西第一中學校畢業

郭安都

山西平民中學校畢業

閻寶琛

陝西蠶業講習所畢業

張慕謙

陝西宣講所畢業

閻寶賢

劉增耀以上二人係陝西自治研究所畢業

張應軫

曹鴻儒

閻寶信

張燾慶

李及時

李向榮

張振洋

張爾熾

張爾昌

張祝三

苗貴芸

苗敷英

張堯慶

閻寶仁

以上十四人係榆林殖邊學校畢業

張鴻訓

張思敬

申佩鎰

高殿福

劉國藩

孫纘蕙

李含惠

以上七人係榆林道立單級師範畢業

杜嗣堯

榆林道立單級師範畢業曾充縣教育局長

任 暄

榆林道立單級師範畢業曾充縣立師範講習所高級小學校各教員

張士孝

榆林道立單級師範畢業

苗慶煦

榆林道立單級師範畢業

葭縣志

卷一選舉

二十九

榆林東順齋石印

掾吏

杜 蔚 宣統己酉考取二等職員

劉仰瑞 由吏員保舉知縣

張 濟 河南試用縣丞

高 瑾 試用巡檢

張 潤 候補典史

張葆謙 曾充本縣二科科員代理本縣警佐

張葆萼 試用巡檢

高伯埽 河南試用縣丞

任嘉善 試用巡檢

任嘉崧 河南試用縣丞曾充本縣總務科科長

杜頌滋 候銓巡檢

閻寶賢 曾充本縣一科科員實業學校校長

張景灃 陝西師範學堂肄業生曾充榆林中學校教員本縣司法科科長建設局局長

張廣莘 曾任本縣賦稅科科長第二課課長

曹潤玉 曾充本縣第一科科員農林會會長

馬象乾 曾充本縣第二科科員

崔有巖 曾充本縣第一科科員

葭縣志

卷一選舉



封爵

胙土分茅國家所以酬大功報殊勲也葭縣自設治以來從未有膺五等之封者然不次之賞惟非常之功克當其次雖一命之榮人孰不欲顯其親而揚其名茲採舊志所無者補錄之以示不淹没人云

張恩寬以子興元晉封振威將軍

高鴻翔以孫承謨誥贈中議大夫

高鴻飛以曾孫鏞誥贈振威將軍

高慧以子承謨誥贈中議大夫

高懿以孫鏞誥贈振威將軍

張銘以孫樞貽封文林郎

高承綱以子鏞誥贈振威將軍

張賦澄以子樞敕封文林郎

高愛以姪承祚貽贈承德郎

苗相霖以子重華誥贈修職郎

高德以子承祚敕授承德郎

張文遶以子愷敕贈文林郎

葭縣志

卷一封爵

三十一

榆東順齋石印

高懋以姪承祚貽贈承德郎

張詔以子叶昌誥贈文林郎

李榮埏以婿高承謨貽贈中議大夫

交通志

清代驛傳規制詳見舊志民國元年裁撤驛站夫馬在治城設郵寄代辦所厥後又在烏龍鋪添一村鎮信櫃一切公文信件由米脂分局派差傳遞五日一週僅補向時驛站之缺至云疏通阻滯便利交通則有尚待研究者何則信件自西安省城來者至米脂即可直達葭縣而信件自山西來者必先經由磧口鎮轉及米脂方可遞到米脂距葭百有餘里道路之遠近與磧口距葭等郵件往來由磧口至米脂則自東而西由米脂至葭縣則自西而東與其曲折迴繞道米脂耽延時日曷若在葭設一分局凡遇山西一路往來郵件可由磧口徑達葭縣葭縣直遞榆林若發自西安者仍由米脂遞來如此

葭縣志

卷一 交通

三十二

榆林東順齋石印

辦理直接簡便將來郵件急於星火咫尺千里之說可以免矣

鹽茶志

葭縣從無茶業商販用途亦極稀少惟食鹽縣北梨兒灣袁家溝等村向產小鹽然產額極少僅供數村之用故無鹽課全縣食鹽大抵由甘肅花馬池運來間有食榆屬鹽灣之小鹽者

錢幣志

縣內向用制錢及高號錢票大宗交易使元寶銀錠並無官錢局之設往往奸宄之徒以鷲眼榆英等錢攙雜制錢之內使市面大受影響至民國三年銀幣銅元始漸輸入而鄉民尚不肯週行用元寶制錢者猶居多數今則上自徵收各機關下迄商民交易一律改用銀幣銅元間有使用山西省銀行紙幣者制錢元寶以運用不便人多不行使焉

祀典志

文廟 地址詳見舊志光緒三十二年升為大祀春秋二季由學正主之

武廟 在南城東南建自明洪武間為武安王祠後改名關帝廟清乾嘉及咸豐間屢次重修為正殿為兩廡為樂樓頭門外為石坊照壁規模宏敞與文廟相埒民國五年改為關岳廟並祀岳武穆王數百年後猶想見右文尚武報功崇德之風焉

宗教志 縣屬從無回教釋道盛行舊志僅詳寺觀餘不列載耶穌天主教之布教自清季始茲并分述於下

釋道教 二教之中釋最盛道次之鄉俗有喪風經禮懺或延僧或

葭縣志

卷一祀典

三十五

榆東順齋石印

延道或僧道並延以超度亡魂而報恩於已死之祖先者久已相習成風牢不可破此外或遇有瘟災修設經常臨時清醮該僧道等資以取經錢壇斗之利頗巨各寺必有住持僧道分設正司各率其屬以嚴守清規降至晚近違反戒律其弊也流於賭博宿娼吸食鴉片無所不為當時地方紳士不施以禁約反藉尊重人道之新名詞稟請改道士為伙居得娶妻生子以延嗣續現在因該道士涉訟縣政府判定已娶者勿論其餘不得繼續再娶以復清淨道教之舊規天主教 影響於隔河之山西盛行於拳匪仇教之後光緒二十六年有意國司鐸避拳匪之鋒由晉逃難至譚家坪村之對面黃河岸前臨流而望意似欲渡適遇村民業農之劉開堂父子叔姪操舟引

渡得免於難司鐸感其活命之恩勸其入教誓在該村建天主堂以傳教為報至宣統元年二月由西班牙國司鐸聶某經始修天主教堂於譚家坪村未就而死繼之者為魏樂兩司鐸先後經營工程完竣今通秦寨亦建天主堂經理者為義國人該教教友漸增至二千餘人各教士始對地方教民詞訟案件尚加干涉後漸謹守條約除傳教外他非所聞問是以民教之間可相安於無事云

耶穌教 耶教在葭繼天主以流行其始勢力甚微租賃民房以居至民國八九年瑞典國某牧師在通秦寨建築新教堂後烏龍鋪佈道員亦買高姓街前舊宅翻修建作最美麗之新教堂從此信徒日衆士民之仰之者漸較天主為熱烈耳

祥異志

同治元年七月十五日竟夜星隕如雨

光緒五年五月地震

光緒十一年八月蘆水淹近城之呂家坪村

光緒二十一年閏五月初三日夜聞砲聲四起人心惶恐數日不安  
七月初三日縣西南鄉閻家坪村前河中霹靂一聲豎起大石一塊  
厚二三尺高一丈五六尺

光緒二十二年七月葭蘆水漲通秦寨之市場盡被水淹街房貨物  
受害甚多

光緒二十五年八月太陽赤火無光

葭縣志

卷一祥異

三十七

榆東順齋石印

光緒二十六年春夏大旱六月黃河水清半日

光緒二十七年歲大熟

光緒二十八年夏秋之交疫癘流行暴死者衆到處修醮禳瘟

光緒二十九年七月十五日大風震雹大木斯拔屋宇被毀

光緒三十年九月初一日晨大星落於西方

光緒三十二年二月大星又落於西方六月縣西北地方大雨雹深  
數尺十月朔日蝕晝晦

光緒三十四年大熟斗米價落至二百餘文

宣統元年九月桃李實十一月慧星見於西南並聞雷鳴數次

宣統三年蘆河水清十日旋即反正

民國二年夏葭蘆河水復清未幾有秦馬墮神圍之變六月大星晝  
落於北方火光映日

民國四年四月黃河水赤竟日

民國九年冬月初七日晚二鼓餘地大震有黃霧自地中出嚮聲若  
萬馬奔騰之狀犬皆亂吠

民國二十年夏南鄉木頭峪一帶鼠疫大作六月中旬起至八月中  
秋節止兩月之間死傷男女老幼數百人未傳染者逃奔各處避之  
數月不敢飯家誠千古未有之大劫也





